

Onderhawige motie wordt met algemene stemmen  
aangenomen.

Motie 4

E. Landgraaf d.d. 30 okt '18

Voorzitter,

Gef. Bonaire



# MOSHON

Griffie ER Bonaire	
Ingek.:	OCT 30 2018
Volnummer:	2018011729
Griffier:	Uitv.:

Entrega pa:

Sr. Clark Abraham [Frakshon Demokrat]

**Konseho Insular den Reunion riba 30 di òktober 2018  
den Sala di Passangrahan**

## KONSIDERANDO KU:

- nos hóbennan meresé di krese den un ambiente sigur, salu i ku ta brinda oportunitat;
- dor di práktika deporte i movishon, nos hóbennan ta biba un bida mas salu, ta siña mihó i alabes ta desaroyá nan kapasidatnan sosial;
- nos mucha i hóbennan mester tin e oportunitat pa nan mes desaroyá nan kapasidat i identidat kultural debí ku biba bo kultura ta un derecho universal pa tur hóben;
- vários iniciativa nan sivil i boluntarianan ta organisá aktividat pa nos mucha i hóbennan riba áreanan di deporte, kultura i bienestar general;
- nos hóbennan ta partisipá na interkambionan (kompetitivo) regional i den eksterior den representashon di Bonaire;
- presupuesto reserva pa desaroyo di deporte i kultura den un forma struktural ta karesé di e fondonan nesario pa na un manera responsabel i efikas por inbertí den desaroyo kultural i deportivo di nos pueblo;
- organisashon nan atlético i kultural riba nos Isla tin ku kana un kaminda di krus manera ta limosna nan ta pidi pa por yega na fondonan pa aktividatnan (internashonal) ku nan kier organisá òf partisipá na dje;
- no tin klaridat pa organisashon nan deportivo i kultural, kiko e maneho ta pa kual nan por bini na remarke pa finansiamentu i tampoko den kua término nan por ferwagt un kontesta;
- apesar di falta di un manera struktural di Gobièrnu ainda por mira p.e. den área deportivo kon nos talentonan lokal ta bria internashonalmente, manera riba área deportivo e.o. den windsurf, biljart, kickboxing, karate, atletik ets.;
- fuera di e atleta i deportenan ariba mensioná, nos organisashon nan deportivo di baseball, softball, futbòl, bolas krioyo, ahedres i demas ta karesé di un maneho i finansiamentu struktural di parti di Gobièrnu pa nan por desaroyá na nan potensial máksimo;
- apesar ku artíkulo 3a insiso 4 di nos 'Ordenansa di Loteria' ta stipulá ku tur bienes di 'Wega di Number' ta wòrdu usa eksklusivamente pa finansiá aktividatnan Deportivo i Kultural i pa e meta ei mester wòrdu pone na disponibilidad di Gobièrnu di Boneiru, nos no ta mira esaki reflehá den e presupuesto destiná pa deporte ni pa kultura;

**TUMANDO NOTA DI:**




- A. Ordenansa di Loteria Bonaire [Loterijverordening Bonaire];
- B. Desishon Wegá di Number [Besluit "Wega di Number"];

**TA DISIDI:**

1. pa supliká Kolegio Ehekutivo pa formulá i stipulá un maneho integral riba desaroyo Deportivo ku ta stimulá i sostené nos hóbennan ku fasilidat i finansiamentu pa por logra nan máksimo potensial;
2. pa supliká Kolegio Ehekutivo pa formulá i stipulá un maneho integral riba desaroyo Kultural ku ta stimulá i sostené nos hóbennan ku fasilidat i finansiamentu pa por logra nan máksimo potensial;
3. supliká Kolegio Ehekutivo pa den su maneho stipulá ku un petishon pa sosten finansiero lo wòrdu tuma dentro di kuater [04] siman despues di a risibí un petishon pa kontribushon finansiero den área di deporte i kultura i informá esnan konserní di e desishon tuma;
4. pa supliká Kolegio Ehekutivo pa presentá e proposishon pa maneho mas tarda promé ku fin di desèmber 2018;
5. pa supliká Kolegio Ehekutivo pa na un manera struktural inkluí e fondonan derivá for di 'Wega di Number' den e presupuesto anual destiná pa Deporte i Kultura;
6. pa (por medio di kambio di) presupuesto di 2019 i añanan konsekutibo reserva medianan finansiero pa por debidamente ehekutá e maneho mensioná den punto 1 i 2;

I ta pasa pa órden di dia.

E moshon aki lo wòrdu referí komo: "*Moshon maneho i finansiamentu integral pa desaroyo di Deporte i Kultura*"

  
Sr. Clark Abraham  
Lider di Frakshon 'Demokrat'  
Konseho Insular Bonaire